

سنة لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

حکمیه محاکمه

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیهیه متعلقدر

تبلیغات

مواد جزائیه ده مصارف محاکمه نك على الاطلاق
مجرمه عائدتی خرج تعرفه معده سنك قرق التنجی
ماده سی اقتضاسندن ایسه ده مظنونك منع محاکمه سنه ویا
برائته قرار ویرلدیکی حاله مصارف محاکمه نك حقسنز
چیقان مدعی شخصیدن استیفاسی جائز اولوب اولیه.
جغنه دائر برکونه صراحت قانونیه بولندیغندن بختله
استفسار معاملهیه دائر سیواس استیناف محکمه سی
مدعی عمومیلکندن وقوعبولان اشعاره ، بالجمله محاکم
نظامیه ده مصارف محاکمه نك حقسنز چیقان طرفه
تحسلی تقرر ایش برقاعده اوله رق سالت الذکر
خرج تعرفه سنك ماده مبحوئه سنده مصارف محاکمه نك
على الاطلاق مجرمه عائدینه دائر مندرج اولان فقره
دخی بوقاعدهیه مبتی بولنش و مجرمیتی تحقق ایتمان
ومنع محاکمه ویا برائته قرار ویریلان مظنون علیهار
حقلی چیقمش اوله جققلندن قاعده مقررده ایجابجه
بولنردن مصارف محاکمه استیفاسنه مساعدۀ قانونیه
اولماغله برابر دعواده حقسنز چیقان مدعی شخصیلردن
دخی مصارف مذکوره نك عدم استیفاسی هم حقوق
خزینیهیه همده قاعده مذکورهیه سکتهدار ایده جکته
نظراً بومثللو محکمه جه برائته حکم اولنان ویا مستنطق
ویاخود هیئت اتهامیه جانبدن منع محاکمه سنه قرار
ویریلان مظنون علیهاردن برکونه خرج و مصرف
آرائیوب تعریف قانونی دائره سنده باعرضحال حق
شخصی ادعاسنده بولنان کساندن مصارف محاکمه نك
اخذ واستحصالیله حقوق خزینۀ نك ضیاعنه میدان
ویرلامسی لازم کله جکی جوابی انجمن عدلیه افاده سیله
ذکر اولنان مدعی عمومیلکه تبلیغ واشعارقلنمشدر.

مناسرت اها لیسندن شکرچی ابراهیم اغانک بشیوز
لیرای عثمانی مقابلنده مصطفی اغا عهده سنده مرهون
بولنان چفتلکی دفتر خاقانی اداره سی طرفندن بالمزایده
قراردادۀ قطعسی کشیده قلنمش ایکن مدیون ابراهیم

محاکمه مقررالت

کوربجه سنجانگی بدایت محکمه سی مدعی عمومی
معاون سابق حسین افندینک اوراق انفصالیه ومدافعه
نامه سی انجمن انتخاب مأمورین عدلیه جه لدی التدقیق
جواز استخدامنه قرار ویرلمشدر.

فاطمه قادینک خانه سی دیواری دلهرک اشیا سی
سرقت ایلنردن دولای جنایتله اتهام اولنان حسینک
اوج سنه مدته کورکه قولسنه ورفقاسنک برائتلینه
دائر کوملجنه سنجانگی بدایت محکمه سی جزا دائره.
سندن ویریلان اعلامک تمیزی حقننه محکمه مذکوره
مدعی عمومی معاونلکی طرفندن تنظیم واسرا قلنان
استدعا نامه ایله اوراق متفرعه سی لدی التدقیق افعال جنـ
ئیه دن دولای ویریلان برائت قرارلرینک مدعی عمومیلر
طرفندن تمیزی انحق اصول محاکمات جزائیه قانوننک
اوچوز اون بشنجی ماده سی حکمنه استناده متوقف
اولدینی حاله ذکر اولنان استدعا و مربوطی لایحه نك
ماده مذکورهیه استناداً ویرلدیکی اکلاشلمش وبومثللو
موادده ایسه مدعی عمومیلرک ماده مذکوره خارجنده
تمیز دعوایه صلاحیت قانونیه لری بولنما مش اولدیغندن
استدعا مذکورک ردینه محکمه تمیز استدعا دائره سنجه
قرار ویرلمشدر.

اسماعیلی جرح ایتمسندن دولای مظنون علیه اولان
حسنک الی ماه مدته حبسنه دائر یوزغاد سنجانگی
بدایت محکمه سی جزا دائره سندن ویریلان اعلامک تمیزی
حقننه مرقوم حسین طرفندن اعطا و محکمه مذکوره
مدعی عمومی معاونلکندن اسرا قلنان عرضحال ایله
اوراق متفرعه سی تدقیق اولننقدده اعلام مذکورک
بدایه ویریلوب قابل استیناف اولدینی حاله استیناف
دعوی اولنقسزین تمیزاً تدقیق استدعا ایدلدیکی
اکلاشلمش ومواد جزائیهیه دائر اعطا قلنان اعلاـ
ماتک تمیزی ایسه اصول محاکمات جزائیه قانوننک
اوچوز یکرمی ایکنجی ماده سی موجبجه صوک درجه ده

اغانک محکمهیه مراجعتله مذکور چفتلکک اوج سنه لک
حاصلاتی تسویه دینه کافی بولندیغندن مزایده نك منعی
حقننه سبق ایدن ادعاسی اوزرینه اولبایده ویریلان
اعلام محکمه تمیزجه دردست تدقیق بولندیغنی مثللو
داین طرفندن معامله فراغیه نك اجراسیچون استحصال
اولنان اعلام ابتدائی دخی مرقوم ابراهیم اغا طرفندن
استیناف اولنهرق اموال غیر منقولیه متدائر بولنق
حسبیه حکمک تأخیر اجراسی طلب اولنش وداین
مصطفی اغا ایسه معامله فراغیه نك اجرا مأموریتی
معرفیه اجراسی قرار محکمه اقتضاسندن اولدینی کبی
بیع بالوفا معامله سنه مربوط اولان املاک واراضینک دفتر
خاقانی اداره سنجه بیع و فراغی دخی نظاماً مقتضی بولندیغنی
جهتله تأخیر اجرایه محل اولدیغنی درمیان ایمکده بولنش
اولدیغندن بختله ایشک نتیجه استینافیهیه قدر تأخیری می
یوقسنه حکم ابتدائی موجبجه معامله فراغیه نك
اجراسی می لازم کله جکی حقننه مناسرت استیناف
مدعی عمومیلکندن وارد اولان تحریراته ، مرهون
چفتلکک دفتر خاقانی اداره سنجه اجرا ایدلمکده
اولان مزایده سنك تأخیرینه دائر ویریلان قرارک
ابطالیله اداره مذکوره معرفیه دوام مزایده سی
حقننه مناسرت استیناف محکمه سندن اعطا قلنان اعلام
بالتیمز وکیل دوری اولان ذاتک وفات ایش اولسنه
نظراً اساس دین و کیفیت رهن حقننه تدقیقات
اجراسیله هر ایکی جهتک ثبوتی تقدیرده مرهونک
فروختیه تسویه دین ایدلمسی خصوصنک اعلامه ربطی
وبوحکمک اجرا مأموریتجه اجراسی مقتضی ایکن
دفتر خاقانی اداره سنجه دوام مزایدهیه قرار ویرلمسی
اسبابه بناء اعلام مذکورک محکمه تمیزجه نقض
ایدلدیکی بالتحقیق اکلاشلمش وشو حاله تمیزک
قرارینه توفیقاً معامله ایفاسی مقتضیات احکام قانونیه دن
بولنش اولماغله اولوجهله ایفای معامله اولنسی جوابی
انجمن عدلیه افاده سیله مذکور مدعی عمومیلکه
اعطا قلنمشدر.

زوجهی مرتبی ضرباً اتلاف ایلدیک اداسندن دولای جنایتله اتهام اولنان سیدگونک کونکسار قریهسی اهالیسندن صوفی محمدک بش سنه مدته کورکه قونلشنه دائر آیدین ولایتی استیناف محکمهسی جزا دائرهسندن اعطا قلنان ایکی یوز بر نومرولو اعلام محکمه تمیز جزا دائرهسنجه تصدیق اولمشدر.

طوبیه ناحیهسنگ سراج قریهسی اهالیسندن طوسون محمدک کیفیت قتلندن دولای جنایتله اتهام اولنان ناحیه مذکوره کومیتاق قریهسی اهالیسندن قره عثمان اوغلی خلیک اون بش سنه مدته کورکه قونلشنه دائر طبرزون ولایتی استیناف محکمهسی جزا دائرهسندن ایکنجی دفعه اوله رق اعطا قلنان یکرمی درت نومرولو اعلام محکمه تمیز جزا دائرهسنجه تصدیق اولمشدر.

ارباب فساددن اولسندن دولای جنایتله اتهام اولنان دیاربرک ولایتک سلوکه محلهسی اهالیسندن جعور-شیان استبانک اوج سنه قلعه بند ایدلشنه دائر ولایت مذکوره استیناف محکمهسی جزا دائرهسندن اعطا قلنان اوتوز ایکی نومرولو اعلام محکمه تمیز جزا دائرهسنجه تصدیق اولمشدر.

جبل سمعان قضاسنه تابع درت غره قریهسی اهالیسندن محمد اوغلی عبد الرحمانک انشای راهده اوکنه جقه رق نفود وایشیانی اخذ و سرت ایستدیک ادعا اولمشندن دولای جنایتله اتهام اولنان حاجیلر قریهلی بوستان بن علی چاوشک اوج سنه مدته کورکه قونلشنه دائر جبل برکت سنجانجی بدایت محکمهسی جزا دائرهسندن ویریلان اوتوز اتی نومرولو اعلام محکمه تمیز جزا دائرهسنجه تصدیق ایدلشد.

مناسرت ولایتی بدایت واستیناف محکمه لری جزا دائره لرندن ویریلان ایکی قطعه اعلامک اصول محاکمات جزایه قانونک اوجیوز قرق یدنجی ماده سنه و نظارت جلیله عدلیه نک ۲۱ تموز سنه ۳۱۷ تاریخلی امر تحریری قانونیسته توفیقاً تقضنه دائر محکمه تمیز جزا دائرهسندن اعطا قلنان اعلامدر :

باش مدعی عمومیک مأموریت بهیه سندن مع اوراق متفرعه محکمه تمیز جزا دائرهسنه کوندریلان

۴ ایلول سنه ۳۱۷ تاریخلی ۲۹۰۸ نومرولی تبلیغنامه مطالعه اولندی.

مذکور تبلیغنامه ده لفقو بنت پتره نک پدرندن موروث خانه سنی بلائجی شاهد اقامه سیله ضبط ایدرک طولاندریجیله جرأت ایستدیک ادعا اولنان نیقوله غروبو ووایشده شهادت کاذبه ده بولمغله مظلون اولان دلیه غروردانک اولوجله محکومیلرینه دائر ۱۷ تشرین اول و ۲۳ کانون اول سنه ۳۱۳ تاریخلرته مناسرت بدایت و ۱۷ شباط سنه ۳۱۳ تاریخده استیناف محکمه لری جزا دائره لرندن ویریلان اوج قطعه اعلام و متفرعاتی مناسرت وقوصوه ولایتلری عدلیه مفتشالکک ۱۵ یسان سنه ۳۱۶ تاریخلی تحریراتیله کوندرملکه لدی التذقیق مذکور خانه نک نیقوله غروبونک ملکی اولدینی حقنده مناسرت بدایت محکمهسی حقوق دائرهسندن ویریلان اعلام اوزرینه مرقوم نیقوله غروبونک طولاندریجیق و دلیه غروردانک شهادت کاذبه ده بولمق جرملرله تعقیب اوله رق بوصورته محکومیلرینه و مذکور خانه نک پتره نک نامه قیدینک تصحیحنه محکمه مذکوره جزا دائرهسندن قرار ویرلرک استیناف دخی تصدیق ایدلش ایهده مرقومک محکومیت جزایه لری ظن درجه سنده بعض اسبابه استناد ایستدیلرکی و دلیه غروردانک درجه سنی حقنده نفوس قیدیه و عندالاقضا قریه ویا محلهسی اختیار مجلسنه مراجعت ایدیلرک ناصیه حالندن استدلاله قالشایدینی کی اساساً تقدیر و تعیین ماهیتی محاکم حقوقیه نک وظیفهسی داخلنده اولان تصرف ادعاسنک تدقیقانه دخی کیریشلرک و مذکور حقوق اعلامنده معاملات اجراییه نک اصول وقانونه مغایرلرینه دائر بعض مطالعات دخی درمیان ایدیلرک بوجه مشروح مذکور خانه نک تغیر و تبدیل ملکیتی یولنه کیدلسی وظیفه خارجنده واستیناف دخی بدایت اعلاملری علینده کی اعتراضاتک فسخی موجب اولدینی قول غیر مدللله و مذکور اعلاملرک اصول محاکمهیه موافقتندن مثله تصدیق ایدلسی مغایر قانون اولدینندن اصول محاکمات جزایه قانونک اوجیوز قرق یدنجی ماده سنه و عدلیه نظارت جلیله سنک ۲۱ تموز سنه ۳۱۷ تاریخلی ویتش یدی نومرولی امر تحریریه توفیقاً مذکور اعلاملرک تقضی لزومی اخبار قلنمشدر.

تدقیقات تمیزیه اجرا اولندقدقه نظارت جلیله نک امر تحریریه سنه عطفاً تبلیغنامه ده محرر اعتراضات مندرجات اعلاملره نظراً وارد ومستلزم تقض اسبابه مستدبولدینغه بناء اصول محاکمات جزایه قانونک سالف الذکر اوجیوز قرق یدنجی ماده سنه توفیقاً مذکور اعلاملرک تقضنه و ایکی یوز غروش تمیز

اعلامی خرجنک تحصیلنه ۲۹ کانون ثانی سنه ۳۱۷ تاریخده قرار ویرلدی.

بیک اوجیوز اون یدی سنه سی کانون ثانیسنک اوتوزنجی کیجهسی مجهول بر رفیقیه طوب قیو خارجنده چارداقلی باغده ساکن قسطنینک کلبه سنه کیدرک جبر و شدت اجراسیله مرقومک اجه و ساعتی سمرقت ایلدیک ادعاسیله متهم بولنان محمد بن اسلام نام شخصک اجرا قلنان محاکمهسی نتیجه سنده فعل مذکوره جرأتی شاهدلرک شهادت و اخباراتی و دلائل سائرته نک انضمامی ایه ثابت اولدینندن مجرمینده وقانون هایون جزانک ایکی یوز یکرمی برنجی ماده سنه توفیقاً اوج سنه مدته کورکه قونلشنه محکمه جنایتجه قرار ویرلشد.

سلطان احمدده جان قورناران محله سنده ساکن درسمومات کتبه سندن عاصم بکه ناموسنه طوقور صورتده تفهوا ده بولندینی اصولاً ثابت اولان سرکه جیده ادرنه اوتلی صاحبی طوره قانی طاهر اغانک برهفته حبسنه

معشوق افندی نک نوری دده بی ضرب وهارون افندی بی جرح ایلدیک ثابت اولدینندن اون کون حبسنه خدمتده بولندینی قوناقدن قاشیق سمرقت ایلدیک ثابت اولان آشجی امین بن احمدک آلی آی حبسنه ایرانی احمد بن محمدک شهزاده باشنده کوملکچیلک ایدن آغوبی ضرب و محل مذکوره مستخدم بولیس نظیف افندی بی تحقیر ایلدیک اکلاشلایغندن اون بش کون حبسنه

فاتحه عزیزه خانمک جاملری شکست ایدن اسماعیل بن مصطفانک اوج کون حبسنه لغده ساکن میخال ایه قسطنینک مضارب ایلدیکرک تحقیر ایستدیکدن قسطنینک اون بش کون و میخالک برهفته حبسارینه

بولیس مأموری علی فاتق افندی نک اجرای وظیفه حالنده سمردی نوری بی تحقیر ایلدیک ثابت اولدینندن اون کون حبسنه

مضارب ایستدیکرک تحقیر ایدن طوبخانه ده ساکن حسن بن محمدک اون کون و محمدک دخی برهفته مدتلرله حبسارینه

حاجی دیدار اغایه اطاله لسان ایدن قهوه جی لطفینک بش کون حبسنه اسرای زنجیه دن اولدینی اصولاً ثابت اولان

زنجیه کلفدانه نظامنامه مخصوصنه توفیقاً بر قطعه عتقنامه اعطاسنه

مادام غروسه نک پاره چانطه سنی سمرقت ایدن صایتیلی حسین بن عثمانک اوج ماه حبسنه و ختام مدتده ضبطه کفالت آلتنه آلتنه

قره باش محله سنده ساکن موسی بن سلیمانک هادی بن محمدی جرح ایلدیکرک تحقیر ایستدیکندن بر آی حبسنه تقسیمده بقال چراغی کرباقونک اجه سنی طولاندرینی ثابت اولان قرغاشجی محله سنده ساکن احسان بن احمدک صغر سنی حبسیله و لیسنه تسلیمنه و طولاندریش اولدینی یوز بش غروشک بالتحصیل مرقوم کرباقوه اعطاسنه

ینده یدی یوز عدد قاق فشک دردت اولدینی اصولاً ثابت اولان لاله لی چشمه لی خدمتکار یورکیدن باروت نظامنامه سی احکامنه توفیقاً مذکور فشنگلرک ایکی قات بدلی اولان یدی یوز غروشک جزای نقدی اوله رق تحصیلنه مضبوط فشنگلرکده طوبخانه عامریه تسلیمنه بولیس جاوشی حسن افندی بی اجرای مأموریت حائده ضرب و جرح ایدن اسکدارده یکی محله ده ساکن دولکر اخلیا ولد یاقونک برسنه مدته حبسنه

بالمنازعه یکدیگرکی ضرب ایلدیکرک ثابت اولان قاضی قریه سنده مقیم باندرمه لی اینکجی خزاروس ولد آرین و بقال خریلوس ولد طناش و باغچوان دیمتری ولد خرسونک برهفته حبسارینه

قوزغنه قنده ساکن قوندره جی هایمک زیتون یاغجی یوردانی جرح ایلدیکرک اکلاشلایغندن اون کون حبسنه

صوفیه لی سیف الدین افندی نک بولیس مأموری عمر افندی بی اجرای مأموریت حالنده ضرب ایلدیکرک ثابت اولدینندن یکرمی کون حبسنه

دوکه جی قوجو ولد قسطنینک ایاقولی فرونجی دیمتری بی جرح ایلدیکرک اکلاشلایغندن دولای یکرمی کون حبسنه

سوربحصارلی حافظ محمد افندی بی ضرب ایدن انقره لی سلیم افندی دن بر یجی آتون آتوب مضروبه اعطاسنه

سلوری قیوسنده مقیم باغ کجیسی صالح خواجه نک اشیاسنی سمرقت ایدن قین طاشنده صوفیلر محله سنده ساکن طودوری ولد مانول رفیق پیاوهره جی اسماعیل بن یعقوب و سلیمان بن حسنک التیشیر آی حبسارینه وایشای موجوده نک صاحبه اعاده و تسلیمنه

طلومبه جی زارخاریانک اشیاسنی سمرقت ایدلرندن دولای مظلون اولان طاووق بازارنده ساکن شکری بن اسعد و عادل بن محمد و نوری بن علینک التیشیر

آی حبسارینه وایشای مسروقده دن موجود بولنانلرک عیناً و بولنه میانلرک بدلسنک تقدأ مدعی مرقومه اعطاسنه

طاطاواله لی دیمترینک یورکی به محل ناموس سوز سولیدیکرک ثابت اولدینندن مرقومدن برلیرا جزای نقدی آلتنه

مضارب ایلدیکرک اصولاً ثابت اولان ارنیود قریه سنده آیزمه محله سنده ساکن بویاجی یورکی ایه چیاکجی آدونک اوزکون حبسارینه

تقسیمده سالیسک ایدن حسن بن حسین ایه حسین بن محمدک مضارب ایلدیکرک ثابت اولدینندن حسنک اون بش کون و حسینک دخی برهفته حبسارینه

زهرای ضرب و جرح ایدن قاسم باشده بدرالدین محله سنده ساکن تیمورجی محمد ایه بهاء الدینک بر ماه و حسن ایه محمدک دخی اوج کون حبسارینه

بک اوغلنده قالیونجی قوللغنده بقال چراغی یورکی ولد یانی ایه ساقزلی نیقولی ولد یانینک اجرای وظیفه حالنده بلدی مأموری ضیا و کاظم افسدیلرک تشهیر سلاح و حفارت ایلدیکرک ثابت اولدینندن یورکینک آلی آی و نیقولینک دخی اون بش کون مدتلرله حبسارینه

زابه محل ناموس سوز سولیلرندن دولای مظلون اولان فریده ده ساکن نقاش سرویه ایه وارطوقک فعل مذکوره جرأتلری اقرارلریه ثابت اولدینندن کندیلرندن اوجر آتون جزای نقدی آلتنه

دلنر نام کیسه نک اعنی عبوزرک پاره سنی سمرقت ایلدیکرک تحقیر ایستدیکندن اوج آی حبسنه و ختام مدتده ضابطه کفالت آلتنه آلتنه

بک اوغلنده ساکن استپان ایه دیران ولد موسیسک یکدیگرکی ضرب ایلدیکرک اکلاشلایغندن استپانک اون بش کون و دیرانک برهفته مدتلرله حبسارینه

کتبه دن حسن افندی نک بک اوغلنده ساکنه روزه نک جاملری طاشله قیردینی ثابت اولدینندن مومی ایه حسن افندی دن اون بشلک جزای نقدی آلتنه

غلطه ده ارقادی زقاعنده ساکن قارصلی توفیق بن محمدک کباچی قره مالی یورکینک امواله ایراث خسار ایلدیکرک تحقیر ایستدیکندن اون بشلک جزای نقدی آلتنه چاققجیلر یقوشنده والده خائنده مقیم ایرانی اسماعیلک خاصکویه عبدالسلام محله سنده مقیم زاق اسپیونک دقترنی یرتدینی ثابت اولدینندن بر سنه حبسنه و بر آلتونده جزای نقدی اوله رق آلتنه

مینا لئونک آتبه بی ضرب و جرح ایلدیکرک ثابت اولدینندن اون کون حبسنه

سمسار سليمانك ترشيحي احمد نوري افنديك
اشياني سرقت ايلديكي اكلاشديغندن اوج آي حبسه
وختام مدتده ضبطيه جه كفالت آلتنه آلتسه وامانده
بولنان اشياك دخي صاحبه رد وتسليمه
سرکه جي اسکه سنده ساکن صراف قسطا کينک
شهر اميني جوارنده نقاش پاشا محله سنده کوفه جيلک
ايدن عبدالحليمي ضرب ايلديكي تحقّق ايتديکندن
برهفته حبسه
قره کرکه ساکن حاجي حسن افنديک خانه -
سندن سکر عدد انگيز ليراسي سرقت ايلديكي ادعا
قلنان ديراغمان خانده چوخته شاملی مصطفانک اوج
آي حبسه وختام مدتده ضبطيه جه كفالته ربطه
عمر بن رجبيک نام آخره اولان مرور تذکره سني
استعمال ايلديكي ثابت اولديغندن مرور نظامنامه سي
حکمه توفيقاً مرقومدن بش بشلک جزای نقدی التمسنه
درساعات ، بک اوغلي واسکدار بدايت محاکمي جزا
دائرة لرنجه حکم اولمشدر.

مُحَامَلَاتُ اِنْتِبَاهِيَّة

حوضه قضاسي نايجي وبدايت محکمه سي رئيسي
خلوصي افنديک اجرايه عائد خصوصاً تده وظيفه
مأموريتي سوء استعمال ايلديكي ادرنه ولايتي استيناف
محکمه سي مدعي عموميلکجه اجرا قلنان تحقيقاتي
حاوي اوراق مؤداسندن اکلاشديغندن محاکمه آلتنه
آلتسه مآذونيت ويرلمش ومومي اليک کيفيت
محاکمه سندن طرف عالي جناب مشيختناهي ده
معلومات اعطا ايدلشدر .

اِخْلَافَات

ايکنجي محکمه نجامده :

خاصکويده مقيم بقال اورام بربر اوغلي ومخدوم
وشريکي بنيامينک ۳۰ مایس سنه ۳۱۸ تاريخندن اعتباراً
اعلان افلاسه ومصالح افلاسيه نک رؤيت وتسويه سي
ضمننده اعضای محکمه دن سعادتلو جيل بکک ژوژ
قوميسر ودعوی وکیللرندن اقتاويوس اورده نوبلوس
افنديک موقت سندیک تعيينلرينه ومغازه ليله اشياي
زائده بيتيه لرینک تمهیرينه واوراق ودفاترينک جلبه
وبوباده کی قرارک موقه اجراسنه ايکنجي تجارت
محکمه سندن قرار ويرلمش ولديغندن قانوننامه تجارتک
۱۷۰ نجی ماده سي موجبنجه دائمي سندیکلر انتخاب
اولمق اوزره اشبو بیک اوچيوز اون سکر سنه سي
حزيرانک يکرمي يدنجي پنجشنبه کونی ساعت يدي

راده لرنده اصحاب مطلوبک محکمه مذکوره نک افلاسه
مخصوص اوطه سنه کللری لزومی اعلان اولنور.

ايکنجي محکمه تجارتدن افلاسه حکم اولمش اولان
بک اوغلنده اونيون فرانسر اتصانده انترناسيونال
اوتلی مستأجری اورام مارقو ومدام دونا مارقوس
شرکتک خصوصات افلاسيه نک رؤيت وتسويه سي
ضمننده دعوی وکیللرندن ادرنه لی شکیب افندی اصالة
سندیک تعيين قلنمش اولديغندن مفلس مرقوم ذمتده
الهجنی اولنلرک قانوننامه تجارتک ۱۹۹ و ۲۰۰ نجی
ماده لری موجبنجه تحقّق ديون ايچون تاريخ اعلاندن
اعتباراً يکرمي بر کون ظرفنده سنداتی محکمه کاتبه
تسليم ايلملری ومدت مذکوره ختامندن صکره اوج
کونده یعنی اشبو بیک اوچيوز اون سکر سنه سي
حزيرانک يکرمي التنجي چهارشنبه ويکرمي يدنجي
پنجشنبه ويکرمي طقوزنجي جمعه ايرتسی کونلرنده
ايکنجي محکمه تجارتک افلاس اوطه سنه کله رک سندیک
افندی مواجهه سنده آله جقلايی اثبات وقيد وتصديق
ايتديرملری ومدت مذکوره ده اثبات وجود ايدمه میان
اله جقلاور حقدده قانون مذکورک ۲۱۰ نجی ماده سنه
توفيقاً معامله اولهجنی اعلان اولنور.

اعلامات شرعية اجرا دائره سنده :

متوفی حاجي سعيد افندی نقود موقوفه سنک
متولسی رفعت وحاجه عايشه خانم نقود موقوفه سنک
متولسی اسماعيل افنديلرک بقال نیکفور ولد پترو
ذمتده اوقاف هايون مفتشکلکندن اعطا اولنان بر
قطعه مقتضا اعلامی موجبنجه آلاجلری اولان مبالغ
معلومه نک تأمین استيفاسی ضمننده مرهون وفروختی
محکوم بولنان استانبولده لغه کيبرده اينه بک محله سنده
میراخور حامی جوارنده ويکی قيو زقاغنده واقع
مقدما بر باب بقال واليوم فوقلرنده بش باب اوطة
وبر صغیر صفه وبر مطبخ وبر ابدستخانه وبر فرنک
طلومبه لی بتر مائی مشتمل بر نومرولی قصاب وايکی
نومرولی توتونجي وقوری قهوه جي ودرت نومرولی
فس قالبجیسی دکانلرينک ربع عن سدس حصه سييله
دکان مذکور دروننده موجود بقال کدکنک يوز
يکرمي سهم اعتباريله التمش بتون وبر ربع سهم حصه
شايه سنک اشبو تاريخ اعلاندن اعتباراً اون بش کون
صکره فروخته تشبث اوله جغندن طالب اولنلرک
پی سورمک وبوندن دهازياده معلومات المق ايستيانلرک
مدت مذکوره ختامندن صکره اعلامات شرعية اجرا
دائرة سنه مراجعت ايللری دائرة مذکوره دن اعلان
اولنور.

بک اوغلي بدايت محکمه سي اجرا دائره سنده :

بک اوغلي بدايت محکمه سي ايکنجي حقوق دائرة
سندن تنظيم واعطا قلنان ۲۲ مایس سنه ۳۱۷ تاريخی
اعلام غيايی موجبنجه مقدما درسعادته شايجي خان
اوطة باشیسی ايکن غيوييتی حکماً تحقّق ايدن کرکور
قره کوزيانک بغوصيان قره بته محکوم به دينی اولان
معلوم المقدار مبالغک تسويه سي حقدده تنظيم قلنان
اخبار نامه ورقه سي اجرا قانوننامه هايونی احکامه
توفيقاً بک اوغلي بدايت محکمه سي اجرا دائره سي
ديوانخانه سنه تعليق قلنمش اولغله تاريخ اعلاندن اعتباراً
اوتوز برکون ظرفنده اثبات وجود ايتمی وايتمديکی
تقديرده مديون مرقوم حقدده معامله قانونيه ايضا
اولهجنی دائرة مذکوره دن اعلان اولنور.

بيغا سنجایي بدايت محکمه سي اجرا دائره سنده :

بيک اوچيوز اون يدي سنه سي کانون اولنک
يکرمي التنجي چهارشنبه کيجه سي بيغا قضاسنه تابع
ديمتوقه ناحيه سنک امير اورمانی قره سندن ومهاجرين
چراکسه دن متوفی يمسح نام ششخصک کریمه سي
ارسلان خان نام بکر بالغه يی قاچرمق فکريه اقامت
ايتديکی خانہ يی باصوب مزبوره يی بوله مدقلرندن
والده سي ساسی وبرادری زراموق ايله زوجه سنی
ضرب وجرح ايلدکری وارسلان خان تسليم اتمک
شرطيله مزبوره نک برادری زراموق جبراً آت
ينسديروب نذرلرنده رهين صورتيه آليقويديقلری
واذيت ايتدکری وخانه يه حين دخوللرنده غازياغي
دوکرک احراقه تصدی واقچه سنی سرقت ايتدکری
ادعاسيله جنایته متهم اولانلردن فرارده بولنان
واشکالی غير مضبوط اولان قریه مذکوره دن اسلام
اوغلي احمد نام شخص زمان وقوعا تديرو وادی فرارده
اولوب هنوز اله کچيريله ماش اولدينی جهتله اصول
محاکمات جزايه قانونک اوچيوز يتش برنجی ماده سي
موجبنجه تاريخ اعلاندن اعتباراً محکمه يه کلک اوزره
جانب رياستدن مرقومه اون کون مهيل ويرلمش
اولديغندن مدت مذکوره ظرفنده ورود ايتديکی
تقديرده قانونه اطاعت ايتماش نظريه باقيه رق محاکمه
غيايه سي اجرا وحقوق مدنيه دن اسقاط ايله اموالی
جز ايديله جيکي وبواشاده برکونه دعوی اقامه سینه
حق اوله ميهجنی وبولندينی محلی بيلنلر خبر ويرمکه
وبالجمه ضابطه عدليه مأمورلرينک کندوسنی طومغه
مجبور بولندينی ومرقوم حقدده اخذ وکرفت امری
اعطا قلندينی بيانيله اعلان کيفيت اولنور.